

Hidup dan Senjata-senjatanya

Tiap-tiap orang yang hidup tentu berkehendakkan makanan, minuman, pakaian, berkahwin dan lain-lain lagi. Untuk mendapatkan semua ini tentulah pula berkehendakkan wang yang mana hendaklah dicari dengan jalan bekerja dan berusaha dengan tekun dan sabar serta tabah.

Oleh: Penulis Budiman

Satu perkara yang tak patut dilupakan ialah penduduk-penduduk dalam negeri kita, dari semasa ke semasa makin bertambah-tambah ramai; ini akan menyebabkan payahlah sedikit bagi orang-orang yang lembab dan kurang kebolehan hendak mendapatkan sesuatu pekerjaan.

Pendidikan tiap-tiap orang yang hidup terpaksalah bekerja (berjuang) untuk mendapatkan keperluan-keperluan yang tersebut di atas, sebab itulah dikatakan oleh orang cerdik pandai: "Hidup perjuangan".

Tujuan hidup kebanyakan orang adalah berkehendakkan:kekayaan, kesenangan dan kekuasaan, maka berusahalah masing-masing dengan sedaya upaya yang terdapat untuk mencapai tujuan-tujuannya itu, dalam hal itu pun maklum bahawa bukanlah semua orang-orang yang berjuang untuk mencapai tujuan-tujuan hidupnya itu: berjaya, bahkan banyak sangat yang gagal.

Menurut fikiran dalam Qur'ān, bahawa tujuan (maksud) hidup manusia yang sebenar-benarnya ialah untuk mengenal, berbakti dan segala-gala perkataan serta perbuatannya hanya tunduk dan takluk kepada Allah semata-mata.

Seperi mana yang tersebut di atas tadi, kebanyakan manusia berkehendakkan kekayaan, kesenangan, dan kekuasaan. Bagi kita orang yang beragama Islam seseorang yang tercapai ketiga-tiga maksud itu, belumlah boleh kita pandang hormat dan mulia kepadanya sebelum ia menjalankan perintah-perintah yang diwajibkan tuhan kepadanya.

Terlanjur kita membicarakan soal hidup, maka eloklah kita ketahui pula senjata-senjata hidup yang telah pernah digunakan oleh orang untuk mencapai:

hidup bahagia, jika kita mengikuti balik sejarah hidup manusia, maka kita temuilah bahawa senjata hidup manusia di dunia ini ada empat jenis.

Pertama: Kuat dan berani.

Sebelum manusia berpelajaran dahulu, maka siapa yang kuat dan berani dia lah akan mendapat kedudukan yang sempurna dan dihormati (ditakuti) oleh manusia-manusia lain; dia akan dilantik menjadi ketua, raja dan lain-lainnya, dalam menjalankan perintahannya ketua-ketua ini sering mengikut kemahuan nafsunya semata-mata, dan kerana ini banyaklah orang-orang yang diperintahnya terkena zalim; akhirnya setelah melalui peredaran masa yang agak lama maka beransur-ansur pupuslah kekuasaan orang kuat dan berani. Masa gemilangnya hanya menjadi nyanyian sejarah sahaja lagi.

Kedua: Bangsawan

Patah tumbuh hilang berganti, lenyaplah kekuasaan yang pertama berganti pula dengan kekuasaan yang kedua iaitu; kaum bangsawan: siapa yang berketurunan bangsawan walau bodoh dungu macam mana pun dia lah diangkat menjadi pemimpin, dan orang-orang yang rendah hina berbuat-buatlah mendampingkan diri kepadanya dengan harapan akan mendapat kehidupan yang senang.

Tetapi akhirnya ternyata bahawa dengan *title* bangsawan sahaja tidak boleh dipergunakan untuk kepentingan hidup.

Ketiga: Kekayaan.

Senjata hidup yang ketiga ialah kekayaan,

siapa yang kaya dan berharta dialah kemajuan dalam hidupnya, seperti kata pantun:-

Seri kaya dengannya tapai,

Dibawa lalu ke kota tengah;

Siapa kaya maksud tercapai,

Orang miskin patah di tengah.

Inilah juga masanya orang berani dan bangsawan tunduk memperhambakan diri kepada si kaya. Pada akhirnya senjata hidup yang berpuncakan kekayaan ini pun tak dapat bertahan lama juga.

Keempat: Ilmu pengetahuan.

Setelah senjata-senjata hidup yang tersebut tadi

lenyap satu per satu; maka datanglah senjata hidup yang akhir iaitu ilmu pengetahuan pula mengambil tempat yang terpenting sekali; siapa yang ingin hidup dengan agak senang, mestilah mempelajari ilmu pengetahuan dengan sebanyak-banyaknya kerana dengannya lah dapat dicapai apa yang dicita-citakan; seperti mana sabda Nabi: sesiapa yang mengharapkan dunia haruslah berilmu, sesiapa yang mengharapkan akhirat hendaklah berilmu dan sesiapa yang berkehendakkan keutamaan dunia dan kebahagiaan akhirat hendaklah berilmu pengetahuan juga.

Dari sejak ini terdirilah berbagai-bagai ragam sekolah tempat mempelajari berbagai-bagai ilmu, dari sekolah rendah dan menengah hingga ke sekolah-sekolah tinggi.

Sekarang orang-orang bijak pandai dalam dunia mengakui: senjata hidup yang baik dan berkesan ialah ilmu pengetahuan kerana telah dikaji-kaji bahawa dengan hanya membangga-banggakan kekuatan dan keberanian, kebangsawan dan kekayaan manusia tidak dapat berbuat apa-apa untuk kemajuan dunia ini, sedangkan dengan ilmu pengetahuan telah berbagai-bagai perkara, telah berbagai-bagai kemajuan kecil dan besar dapat dilaksanakan bagi kesenangan dan kepentingan manusia seluruhnya.

Pandangan dan perhatian:

Sungguhpun di atas tadi ada dikatakan: senjata

hidup yang terakhir (ilmu pengetahuan) telah dapat mendudukkan tempat yang teristimewa, tetapi jika kita perhatikan khasnya kepada negeri kita sendiri iaitu Persekutuan Tanah Melayu, bahawa kekayaan adalah masih mendapat kedudukan yang utama lagi, hal ini dapat kita temui pada masa hendak memilih seseorang calon untuk jawatan: ketua kampung, wakil rakyat atau calon apa sahaja; orang kaya-kayalah yang sering terpilih, walaupun ada lagi beberapa orang lain yang lebih layak daripadanya, bagi orang-orang yang mengikuti peredaran sejarah, maka hal ini adalah menjadi satu bukti yang nyata menunjukkan: bahawa negeri kita ini belumlah maju benar lagi!!!

BUKU2 RUMI:

(a) Siri Buku2 Bachaan Sekolah Rendah:

1. Tunas Baru (ABC)

(Abdul Rahman H. Said) 1.50

2. Tunas Baru I

(Abdul Rahman M. Said) 1.50

3. Tunas Baru II, III, IV

4. Senang Bacha I dan II

(Hasan Basri) satu 80

(b) Buku2 Bachaan Tambahan untuk

Sekolah Rendah:

5. Kuching Hitam (A.H. Edrus)	.30
6. Peristiwa Hari Sabtu ,	.30
7. Nabi Sulaiman dengan Semut	.30
8. Lutong Sakti I ,	.35
9. Lutong Sakti II ,	.35
10. Karun Dengan Harta-hartanya	.35
11. Pekebun Yang Tama'	.35
12. Lembu Chantek ,	.35
13. Kisah Minangkabau ,	.40
14. Sutan Balun ,	.40
15. Puteri Balqis ,	.45
16. Pendudok Gua ,	.50
17. Sebab Harimau ,	.50
18. Cherita Burong Hantu ,	.75
19. Nakhoda Dengan Datok Perpateh	.30
20. Si-Buta ,	.30

QALAM

356 & 358, Geylang Road,
Singapore 14